

Morning Dogri (NSD) Bulletin

16-12-2025

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें जार्डन दे नरेश अब्दुल्ला-II-इब्न-अल हुसैन हुंदे कन्नै प्रतिनिधिमंडल स्तर दी गल्लबात कीती।
2. खजाना मंत्री निर्मला सीतारमण होरें आखेया जे 3 इशारिया 2 फीसद दी वैश्विक विकास दर दी तुलना च भारत 8 इशारिया 2 फीसद दी विकास दर कन्नै सब्बने शा तेजी कन्नै बढ़ी प्रमुख अर्थ-बवस्था बना'रदा ऐ।
3. पहलगाम आतंकवादी हमले आहले मामले च राष्ट्रीय जांच एजेंसी नै पाकिस्तान आधारित आतंकवादियें ते होरनें खिलाफ आरोप-पत्र दाखल कीते।
4. भारत दी इस बरे नवम्बर च बेरोजगारी दर घटियै 4 इशारिया 7 फीसद होई गई ऐ।
5. मुख्य अज्ज "विजय दिवस" मना'रदा ऐ- जेड़ा 1971 दे युद्ध च पाकिस्तान पर भारत दी जित्त दा चेता दोआंदा ऐ।
6. अंडर-19 एशिया कप क्रिकेट च भारत दा मुकाबला मलेशिया कन्नै होग।

<><><><><><>

PM Visit

प्रधानमंत्री नरेन्द्र मोदी होरें कल अम्मान च जार्डन दे नरेश अब्दुल्ला-II-इब्न-अल-हुसैन हुंदे कन्नै प्रतिनिधिमंडल स्तर दी गल्लबात कीती। एह गल्लबात राजनयिक सरबंधें दे 75 बरे पूरे होने दी तयारियें दे मददेनजर मजबूत ते गहरी

सांझेदारी गी दर्शादी ऐ। प्रधानमंत्री मोदी होरें आतंकवाद- अततवाद ते कट्टरवाद खिलाफ जार्डन दे मजबूत नजरिए दी सराहना कीती। उनें आखेया जे भारत ते जार्डन आतंकवाद कन्ने निबड़ने च इक्कै जनेहा नजरिया सांझा करदे न। प्रधानमंत्री मोदी होरें 2025 च संयुक्त मुखें थवां बक्ख अपनी पैहली गल्लबात गी चेता कीता। उनें संयम गी बढ़ावा देने च किंग अब्दुल्ला-II हुंदी अगुआई दी सराहना कीती। प्रधानमंत्री होरें आखेया जे दपक्खी सरबंघ होर क्षेत्रें दे इलावा इस क्षेत्र च साथ-सहयोग होर मजबूत होग। नरेश अब्दुल्ला-II होरें आतंकवाद कन्ने मुकाबले च भारत दे जत्नें प्रति जार्डन दे सशक्त समर्थन गी दोहराया। प्रधानमंत्री मोदी होर जार्डन यात्रा दे दुए दिन अज्ज जार्डन-भारत बपारिक मंच च हिस्सा लैगंन।

<><><><><><>

PM Ethiopia

प्रधानमंत्री नरेन्द्र मोदी त्रै मुखें दी अपनी यात्रा दे दुए गैड़ च अज्ज संजा 2 दिन दी यात्रा पर इथोपिया दी राजधानी अदीस अबाबा पुजगंन। प्रधानमंत्री दपक्खी सरबंघें दे सारे पैहलुएं पर इथोपिया दे प्रधानमंत्री डाक्टर अबी अहमद अली हुंदे कन्ने व्यापक विचार-विमर्श करगंन। ग्लोबल साउथ दे देशें च सांझेदार होने करी प्रधानमंत्री हुंदी एह यात्रा दोस्ती ते मजबूत सरबंघें गी होर सशक्त बनाने ते दपक्खी सहयोग गी विस्तार देने दे प्रति दोने मुखें दी सांझी वचबद्धता दी इक बारी परतियै तस्दीक करदी ऐ।

<><><><><><>

FM Growth Rate

वित्त मंत्री निर्माला सीतारमण होंरें आखेया ऐ जे 3 इशारिया 2 फीसद वैश्विक विकास दर दी तुलना च भारत 8 इशारिया 2 फीसद दी विकास दर कन्नै सब्बने थमां तेजी कन्नै बददी प्रमुख अर्थ-बवस्था बना'रदा ऐ। उन्नै आखेया जे चालू माली बरे च सारी वैश्विक संस्था मुख्य दे विकास दे अनुमाने गी बद'रदियां न। वित्तमंत्री होंरें कल लोकसभा च 2025-26 आस्तै अनुदान दी पूरक मंगें दे परते च एह गल्ल आकखी। अमरीका दे राष्ट्रपति डोनाल्ड ट्रम्प हुंदे मुख्य दी अर्थ-बवस्था बारे कीती गेदी नाकारात्मक टिप्पणी पर विपक्ष दी प्रतिक्रिया दा परता दिंदे होई खजाना मंत्री होंरें जोर दिता जे भारत गी त्रै प्रमुख वैश्विक एजेंसियें DBRS-स्टैंडर्ड एंड पूअर्स ते R&I थवां रेटिंग अपग्रेड हासिल होआ ऐ। भारत नै आलोचकें गी गलत साबित करी दिता ऐ। उन्नै आखेया जे भारत इलैक्ट्रानिक्स-फार्मा-स्यूटिकल्स- इंजीनियरिंग समान ते रक्षा जनेह क्षेत्रें च शुद्ध निर्यातक दे तौर पर उभरेया ऐ।

<><><><><><>

NIA Charge Sheet

राष्ट्रीय जांच एजेंसी NIA नै 22 अप्रैल गी होए दे पैहलगाम आतंकी हमले आहले मामले च 7 आरोपियें खलाफ चार्ज शीट दाखल कीती ऐ जिन्दे च पाकिस्तान आधारित आतंकी संगठन लश्करे तैयबा ते एहदे लेई कम्म करने आहली तंजीम द रजिस्टेंस फ्रंट TRF बी शामिल ऐ। इस चार्जशीट च आतंकी हमले दे पिच्छे पाकिस्तानी साजश दा ब्योरा ऐ- जेहदे च 25 सैलानी ते इक

मकामी खच्चर चलाने आहला शामिल हा। जारी इक ब्यान च जानकारी दिती
गेई ऐ जे चार्जशीट च इक पाकिस्तानी आंकवादी साजिद जट्ट दा नां बी
आरोपी दे तौरा पर शामिल ऐ। जम्मू च NIA दी विशेष अदालतें च दाखल
चार्जशीट च 29 जुलाई गी श्रीनगर दे डांचीगाम इलाके च मारे गेदे त्रै
पाकिस्तानी आतंकवादियें दे बी नां ऐन- जिंदी पंछान फैसल जट्ट उर्फ सुलेमान
शाह- हबीब ताहिर उर्फ जिबरान ते हमज़ा अफगान दे तौरा पर कीती गेई ही।
एहदे इलावा एहदे च परवेज़ अहमद ते बशीर अहमद जोथर दे बी नां हैंन
जिनेंगी आतंकवादियें गी मदद करने दे आरोप च गिरफ्तार कीता गेदा ऐ। इनें
दौनें जनें गै त्रै थेहारबंद आतंकवादियें दी पंछान दस्सी ही जेहड़े पाकिस्तानी हे
ते उनें इस आतंकी हमले गी अंजाम दिता हा।

<><><><><><>

India's Unemployment Rate

मुख्यै च इस बरे नवम्बर च बेरोजगारी दर घटियै 4 इशारिया 7 फीसद होई
गेई ऐ। एह 15 बरे ते ओदे थवां घट्ट उमरी दे व्यक्तियें आस्तै अप्रैल दे मगरा
सबबने थवां घट्ट ऐ। सांख्यिकी ते कार्यक्रम दी अमलावरी सरबन्धी मंत्रालय
मासिक श्रम बल ते बेरोजगारी आंकड़े मूजब ग्रामीण बेरोजगारी घटियै 3
इशारिया 9 फीसद दे हेठले स्तर पर आई गेई। शैहरी बेरोजगारी घटियै 6
इशारिया 5 फीसद होई गेई। इस दौरान 15 बरे ते उसदे थवां बद्द उमरी दे
व्यक्तियें च श्रम बल सहभागिता दर नवम्बर च बढियै 55 इशारिया 8 फीसद
होई गेई।

<><><><><><>

Vijay Diwas

मुख्य अज्ज “विजय दिवस” मना’रदा ऐ- जेड़ा 1971 च युद्ध च पाकिस्तान पर भारत दी जित दा चेता नोआंदा ऐ। हर बरे इस दिन- मुख्य उन्हें वीर योद्धाएं दे सर्वोच्च बलिदान गी चेता करदा ऐ- जिंदियां कहानियां राष्ट्रीय गौरव दा स्रोत बनी दियां न। 1971 च अज्जै दे गै दिन पाकिस्तानी सेना दे जनरल ए.ए. खान नियाज़ी होरें 93 ज्हार सैनिकें कन्नै भारतीय सेना ते मुक्ति वाहिनी सेना दे सामने विजय कुसै शर्त आत्म-समर्पण करी दिता हा। इसदे नतीजे च पूर्वी पाकिस्तान-बांगलादेश दे तौर पर बक्ख होई गया।

<><><><><><>

Vijay Diwas- Indian Army

“विजय दिवस” दी पूर्व संज्ञा पर भारतीय सेना नै कल नमीं दिल्ली स्थित आर्मी हाउस च “विजय दिवस At Home” कार्यक्रम दा सरिस्ता कीता। इस कार्यक्रम च राष्ट्रपति द्रौपदी मुर्मू होर मजूद रेइयां। कार्यक्रम च स्वेदश तौर पर विकसित तकनीकें ते खास क्षमताएं दा प्रदर्शन कीता गया। एह सेना दे आधुनिक- नमियां काडडा कड़डने आहले ते आत्म-निर्भरता च लगातार बदलाव गी दर्शादा ऐ।

<><><><><><>

Nabin Charge

भारतीय जनता पार्टी दे हाल च चुने गेदे राष्ट्रीय कार्यकारी अध्यक्ष नितिन नबीन होरें कल नमीं दिल्ली स्थित पार्टी मुख्यालय च कार्यभार सांझी लैता।

नबीन पार्टी दे इतिहास च सब्बनैं थवां युवा कार्यकारी अध्यक्ष न ते बिहार थवां इस ओहदे पर काबल होने आहले पैहले भाजपा नेता न- ओह मौजूदा समें च पटना जिले दे बांकीपुर विधानसभा क्षेत्र दा प्रतिनिधित्व करदे न ते नतीश कुमार हुंदी अगुआई आहली बिहार सरकार च उंदे कश सिड़क निर्माण विभाग हा।

<><><><><><>

Zelenskyy NATO

यूक्रेन दे राष्ट्रपति ब्लादिमीर जेलेस्की होरें पच्छमी मुल्खें कोला सुरक्षा गारंटी दे बदले नाटो च शामिल होने दी यूक्रेन दी कोशश गी छुड़ने पर सैहमती जताई ऐ। अजेंकि जेलेस्की होरें लड़ाई खत्म करने पर अमरीका दे प्रतिनिधि दूते कन्नै गल्लबात च रुस गी इलाका सोंपने दे अमरीका दे दबा गी खारज करी दिता ऐ। गल्लबात कोला पैहले जेलेस्की होरें आखेया जे अमरीका ते किश होर यूरोपी मुल्खें ओहदे नाटो च शामिल होने दिएं कोशशें गी खारज करी दिता ऐ। नेह हालात च यूक्रेन गी मेद ऐ जे पच्छमी मुल्ख- नाटो दे मिम्बर मुल्खे दे बरोबर उसी सुरक्षा दी गारंटी देगंन।

<><><><><><>

UN -India

संयुक्त राष्ट्र च भारद दे स्थाई प्रतिनिधि हरीश पार्वथानेनी होरें जंदे रोज सुरक्षा परिषद च “लीडरशीप फॉर पीस” नां दे विषय पर खुल्ली बैहस दौरान पाकिस्तान आसेया जम्मू-कश्मीर दा मामला पुट्टने लेई ओहदी सख्त निंदेया

कीती ते इसी बंड आहले एजेंडे गी अग्गे बधाने दी कोशिश करार दिता। उनें आखेया जे भारत नै 65 बरे पैहले नेक नीयत कन्ने सिंधु जल संधि कीती ही- पर पाकिस्तान नै युद्धें ते केई आतंकवादी वारदाताएं राएं इस भावना दा उल्लंघन कीता ते जहारां बद्धे भारतीयें दी जान बी लैती ऐ। हाल च गै पाकिस्तान प्रायोजित पहलगाम हमले दा जिक्र करदे होई उनें आखेया जे एहदे च 26 बंदोसे लोकें दी धर्म दे आधार पर हत्या कीती गई ऐ। राजदूत हरीश होरें इस गल्लै पर जोर पाया जे भारत हर चाली दे आतंकवाद दा पूरे पक्के धेड़यै कन्ने मुकाबला करोग।

<><><><><><>

Under-19 Asia Cup Cricket

अंडर-19 एशिया कप क्रिकेट च अज्ज भारत दा मुकाबला मलेशिया कन्ने होग। एह मैच दुबई च होग। मैच भारतीय समें मूजब बड़लै साइडे 10 बजे शुरु होग। भारत नै पिछले मैच च पाकिस्तान पर जित हासल कीती ही- उसी 90 रनज कन्ने हराया हा।

<><><><><><>

Cricket

भारत दी सलामी बल्लेबाज शफाली वर्मा गी नवम्बर महीने दी बेहतरीन क्रिकेट खडारी घोषत कीता गया ऐ। दक्खन-अफ्रीका खलाफ खेड़े गेदे इक-रोजा अंतराष्ट्रीय विश्व कप मकाबले च फाईनल मैच च शफाली दे शानदार प्रदर्शन दी बिनाह पर शफाली गी “ICC वुमन प्लेयर ऑफ द मंथ” चुनेया गया ऐ। इस

कामयाबी दे बाद हुन शफाली गी मते उत्साह कन्नै श्रीलंका खलाफ 5 टी-20 मैचें दी श्रंखला च दिक्खेया जाई सकदा ऐ- जेहदी त्त्यारी च एल्लै भारतीय महिला क्रिकेट टीम रुझी दी ऐ। एह श्रंखला 21 दिसम्बर थमां विशाखापटनम च शुरु होने जा रदी ऐ।

<><><><><><>